

de la Peloxa, non si trova; e tutti danno la colpa al puocho governo de quel capitano; nè si crede, mai più si possi per questa corona far tal armada. E molti vuol dir, de Tripoli, ne farà partito con el medemo Ziecho, con darli tributo, perchè al tutto dal re de Tunis seria molestato. E questo, e quanto seguirà, aviserò etc.

De le 4 galie qui se trova, una, andava a fondi, s'è tirata in terra; de le 3, ne armano a pena 2, e questa note per Napoli parteno, e deno, per sicurtà, far la volta de Lipari. Se dize, deno condur la infante a Villa Francha, per esser maridata con el ducha de Savoja; e altri, le vano in favor di Franza, con tutè le altre son in Napoli, come ben tutto a vostra sublimità di' esser noto.

Le-corte di Monzon, vien (*sic*) Aragona, fu finite, per la majestà dil re non aver voluto far gratia de certe petizion, fate per el regno di Catalogna, come prima, è ducati 350 milia, fu dito. E come el feze morir squartadi 8 de una de le do parte de Catalogna, che im persona li feze prender, per modo, hora è partito, si tagiano a pezi, e tal sentirà tuto el regno. È stà dito, una fiola del gran capitano, Consalvo Ferrando, è maridata el gran contestabele, havea la fiola natural del re, per la morte de la qual tuta questa corte porta mestizia e coroto. Fama è, el re aver ordinato se fesse 12 galie, e intendeva far grossa armada; perhò, abuta la resolution de questa, se dize muterà preposito, che mai nulo haveria pensato, talmente fusse andata, che lhoro par habino auto la rota e non vitoria.

El Ziecho de Zerbi à scritto a questo signor vice re, condolendosi, come el capitano del re suo, senza consulta nè mandato de la majestà sua, volse e andò per ofender quella sua ixola, e lui non potè far di meno di farli di danni, soliti far a' nimici. E come l'hera morto el fiol del ducha d'Alba, lo qual havea fato salvar a modo suo; è stà presto per darlo a la majestà del re (*in cambio*) di altri cativi rimasti, come al capitano li oferse de dar a l'incontro, volendoli dar testa per testa di mori de Tripoli, come si costuma far in tempo di guerra; e cussi a sua signoria li offeriva, non lo havendo quel voluto far. Alcuni marchadanti, de qui era ben expediti, son ritornati, e da lui bona compagnia à 'uto, et exortati li sia mandati formenti per aver necessità, et li pegerà bene, et farà bona compagnia a tutti. E cussi se intende habbi fato el re de Tunis a tutti. Dio cussi prometti.

A di 5, per questo illustrissimo vice re è stà provisto, come zusto e bono, a la calamità e penuria

de queste fantarie, i qualli al cielo eridavano, che a tutti li dà, per testa, di questa moneta grani 5, e questo per fin habino pasazi, con li qualli possino, quelli vorà, per Italia e per Spagna e per altra parte, li farà passar franchi di nollo e spexe; e per le hostarie li fa dar habitation a 25 per uno. Fa poi far le spexe, e questo è fato. Ozi son venuto lettere di la corte, secondo è stà dito, che de la rota de Zerbi tutti sapevano. E del sequente, per zornata vostra serenità ne sarà notificata.

Da Lisbona son venuto una barza, im breve zorni, e con quella un merchadante pixano, pratico, amico mio, et pratico in quel regno. Conta, ancor sia zerto di quelle parte vostra serenità dia intender, per esser molto fresco, me par de repli-char; e sapendolo, sia per non ditto. Dize, el re di Portugal aver fato minutamente discription di morti e prexi, poi lo navichar fa la nation sua in Chalicut, e quel viazo; e ritrovato hanno, homeni 18 milia esser morti e perduti, e di questi da 800 di sui zentilhomeni; e come era meza perduta Lisbona de zente; e sta im praticata di far, come fa el re catholico, di dar licentia a tutti zeneralmente, possino andar a quel viazo, *dummodo* li pagino el quinto, come si fa a quelli navegano a l'ixole spagnole. E afferma, faceva presto bella armada, per mandarla in soccorso dil re di Chalocut; e che lo re di Chananor havea tajato a pezi li portogesi era li, et non li havea lassato cargar nulla: e questo, a requisition di certi merchadanti d'Alexandria e dal Cajaro. E narra, come in Safala non havea posuto cargar, e che quel re *minime* li vuol ne li paexi soi; e che 'l re di Cuchi e quel de Cananor el soldan voleva e havea guerra con el re di Chalicut, perchè era amico de' portogesi. E come fama era, che 'l soldan faceva grossa armata, e la fata, fu rota, venitiani e magarbini la pagariano, con dir che, si non fusse le guerre à Italia a la Signoria vostra, za non poriano più navegar. E concludeno, la prima rota havesseno, el re mai più non manderia al viazo, per esser di danno a le persone li vanno, che muoreno fuora di modo. E come i hanno trovato le colle di quel viazo de zener et fevrer, e indivinando fano el viazo in un anno per terzo del fruto, e per tal effeto pochi, e lo forzo vanno mal volentiera. Referisse *etiam* haver trovato la Trapobana ixola, e de li aver portato sede assai e garofoli e droge, perhò, *necessitatis* 358 *causa*, neccesita el lassar de quel viazo con tempò. E, brieve, à mandà el re un Silvestro, li manchà un ochio, corsso, per aver 3000 peti a Milan, e altre arme el vuol, e va a menar maistranze a Lisbona,